

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**D. Gebh. Theodori Meieri Theologi & Prof. in Academia
Julia Antichiliasmus Absolutissimus**

Meier, Gebhard Theodor

Helmstadii, 1696

§. LXIV.

urn:nbn:de:bsz:31-105465

fionis. Graviter hæc hypothesiſ impingit in Theſin-
 17. Matthæus ſiquidem c. xxv. 31. ſeqq. longe aliud do-
 cet, ſcilicet, in adventu Chriſti omnes homines vel
 in vitam æternam, vel in ignem æternum eſſe detru-
 dendos, imo totum hoc iudicium bello exequendum,
 à iudicio Matthæi immane quantum diſcrepat, velut
 in multis oſenſum jam eſt; neque enim prædæ illius
 quam pugnaces noſtri Chiliaſtæ ab hoſtibus ſperant
 reportare, Matthæus quicquam meminit, multo mi-
 nus illorum quos ex hoc conflictu abducere volunt
 ſervorum; ſed potius nullum mancipium iſtis ſperan-
 dum eſſe, utut cæterorum omnium maxima detur
 affluentia, ita probo: Omnes homines in adventu Chri-
 ſti viventes, aut Chriſtum in membris ſuis cibarunt, po-
 tarunt, &c. aut hoc iſtum non fecerunt: Priores tan-
 tum abeſt, ut ſervituri vel mancipia futuri ſint, ut i-
 pſi potius in regnum gloriæ & vitam æternam ſint
 adoptandi *Matth. XXV. ult.* Poſteriores non in ſervi-
 tium mancipandi, ſed in gehennam detrudendi erunt
ibid. Ex neutrâ igitur parte mancipia pro Chiliaſtis
 relinquentur.

LXIV. Hypotheſiſ IX. Item ex ingenti illo exer-
 citu beſtiæ proſtrato, ac copiis innumeris Gogi & Ma-
 gogi, qui præ reliquis Eccleſiam tempore illo infeſta-
 bunt, deletis, nonnulli remanebunt, qui ſunt ex
 ſemine Gogi & Magogi, ii que tempore regni in loca
 ab Hieroſolymis remotiſſima ſe recipient, atque ita
 horum M. annorum ſpatio in immenſum per genera-
 tionem ſe multiplicabunt, ut poſt illos exactos denuo
 Eccleſiam in Hieroſolymis aggrediantur, & innume-
 ro exercitu contrâ eandem in aciem prodeant. Ita
 paſſim docent Chiliaſtæ, quorum teſtimonia jam ad-
 ducta ſunt n. LV. ſub finem. Habet igitur hæc hy-
 po-

pothesis eandem Thesin. 17. sibi contrariam & eodem argumento constringi etiam hic possunt Chiliasta, quod adductum est num. xxxvi. cum hæc duo: Omnes impii in gehennam in adventu Christi detruentur, & quidam impii tam vivi in terrâ adhuc relinquentur, simul consistere nequeant. Prius autem est ipsius Salvatoris apud Matth. xxv. 31. seqq. posterius nostrorum Chiliastarum, cui itaq; parti credendum?

LXV. Hypothesis X. Post pugnam exactam diabolus ita ligabitur, ut amplius homines seducere nequeat: Ita passim docetur in scriptis Chiliastarum. Sufficiat unicum hic adduxisse locum ex *Send. Schr.* §. II. Ich (Christus) wil ausfahren in einer kurzen Zeit / und den Teuffel binden / daß er nicht mehr in den Lüfften schweben / noch das menschliche Geschlecht verführen könne. Quæ hypothesis pugnat contra Thesin 10. ubi ostensum est, quod Ecclesia, quam diu est in terrâ, sub cruce & persecutionibus premi debeat, vid. n. xxvi. xxvii. xxviii. At si daretur tempus, quo diabolus nullos homines seducere possit, nemo etiam pius esset infestaturus. Novi quidem hanc hypothesin desumpsiam esse ex Apoc. xx; sed ibi non fit mentio talis ligationis, per quam diabolus nullos possit homines amplius seducere, sed talis, ut non amplius seducat gentes, seu Ethnicos, eosq; in Ecclesiæ perniciem armet, id quod utiq; factum tempore Constantini. M. vel, ut aliis placet, Martiani. Atque hæ sunt præcipuæ hypotheses de illis quæ ANTE REGNUM millenarium futura esse docent. Videndum jam, quid tandem, IN IP SO REGNO, eximiæ felicitatis sit expectandum?

LXVI. Hypothesis XI. Qui resurrexerunt in resur-